

Radyo an Norvys

(<http://www.dasunys.net/podcast.htm>)

Titel: Nowodhow an seythun (07/11/07)

Auctour: Matthew Clarke

Dydh: 7 Du 2007

Pesyans: 00:02:45

Yma kowethas nowydh a-dryv dhe Grofti Dheghow.

Yma Western Union Mines ow spena hanter-kans-mil-vil peuns.

I a vynn dasigeri an bal a-ji diw vlydhen... gans dew gans person ow konis ena.

An kowethas yw gwrys a Baseresult, Cassiterite L.P ha Galena Assett Management.

An derivas a dheuth dy'Gwener yw passyes... gans baner gwynn ha du kregys dhiworth an pennfram.

Rann vras an towl yw palas dor nowydh na veu gweythys nevra kyns y'n bys.

Shafta nowydh a vydh gwrys hag awos bos dor nowydh... nyns eus edhomm a bompya.

Atal an bal a vydh gorrys wortiwedh war-woeles Dorkoth.

Gus Williams a wre oberi yn-dann an dor dhe Grofti.

Lemmy, ymava ow tyski dhe dhiskiblon dhe Skol Balyow Kammbroenn...

[CLIP]

Skathva varthus nowydh a wra tenna milvilyow a beunsow dhe Aberfal.

Henn yw warlergh govenek a berghennogyon an porth.

Ober a dhalleth yn skon... ha pan vydh kowlwrys... y fydh tri hans spas rag skathow... keffrys ha'n skathow-goelya a'n moyha ker y'n bys.

Ny yll naw degves rann ahanan prena chi y'n rannow a Gernow.

Kressya re wrug an niver y'n blydhynyow eus passyes.

Yma derivas ow kwarnya dhe'n governans bos pobel an kyrghynn gesys 'mes an varghas awos prisyow ughel.

Rugby lemmyn...

An Vorladron a fethas Sedgely Park... trethek poynt dhe ugens.

Kynth esens i owth assaya yn feur... hwath yth esa koll dhe Lannstefan.

An Exeter Chiefs a waynyas pypm-poynt-warn-ugens dhe etek.

Ha war an rol 'kenedhlek dew' Rysrudh a sevis erbynn challenj dhiworth Westcombe Park ha fetha... nawnsek dhe hwetek.

Ha henn yw oll rag an seythun ma... bys y'n nessa prys... agas gweles.